



N 21/2318  
07/06/2022

2318-21-2-202206071650



შპს „სილას“

მის: ქ. ახალციხე, ადიგენის ქუჩა, მიმდებარე ტერიტორია  
ელ. ფოსტა: <mailto:davit.nozadze@gue.ge>

სსიპ გარემოს ეროვნულმა სააგენტომ განიხილა თქვენი №11762 სკრინინგის განცხადება, რომელიც ეხება ქ. ახალციხეში, ადიგენის ქუჩის მიმდებარე სასარგებლო წიაღისეულის (ქვიშა-ხრეში) გადამამუშავებელი საწარმოს ექსპლუატაციას.

გაცნობებთ, რომ სკრინინგის განცხადებაში დაზუსტებას საჭიროებს და მოცემული უნდა იქნეს საქმიანობასთან დაკავშირებული შემდეგი საკითხები:

- დოკუმენტში წარმოდგენილი უნდა იქნეს საქმიანობის განხორციელების ადგილის GIS (გეოინფორმაციული სისტემები) კოორდინატები (shp-ფაილთან ერთად), ასევე საპროექტო ტერიტორიის საკადასტრო კოდი;
- სკრინინგის განცხადებას უნდა დაერთოს შესაბამისი მუნიციპალიტეტის წერილი დაგეგმილი საქმიანობის განხორციელების ადგილის ფუნქციური ზონის/ქვეზონისა და ამ საქმიანობის აღნიშნულ ზონასთან/ქვეზონასთან თავსებადობის შესახებ, ამ მუნიციპალიტეტის მიერ დამტკიცებული გენერალური გეგმის არსებობის შემთხვევაში;
- დოკუმენტის თანახმად, უახლოესი საცხოვრებელი სახლიდან ობიექტი დაშორებულია 800 მ-ით. მონაცემთა ელექტრონული გადამოწმებით დგინდება, რომ საპროექტო ტერიტორიიდან დაახლოებით 90 მეტრში მდებარეობს კერძო საკუთრებაში არსებული, არასასოფლო-სამეურნეო დანიშნულების მიწის ნაკვეთი (ს/კ: 62.09.53.923), რომელზეც განთავსებული შენობა-ნაგებობაა. შესაბამისად, დაზუსტებას საჭიროებს აღნიშნული შენობა-ნაგებობის ფუნქციური დანიშნულება და მანძილი უახლოეს საცხოვრებელ სახლამდე, სიტუაციურ რუკაზე დატანით;
- განცხადებაში მითითებულია, რომ ქვიშა-ხრემის მსხვრევა ხდება მშრალი მეთოდით, ხოლო „დანართი 1“-ში მითითებულია, რომ „მოხდება საწარმოო წყლების გაწმენდა და ისევ გამოყენება დალექვის მეთოდით“. შესაბამისად, დაზუსტებას საჭიროებს ქვიშა-ხრემის გადამამუშავების მეთოდი (მშრალი/სველი) და საწარმოო ჩამდინარე წყლების წარმოქმნის საკითხი;

- სკრინინგის განცხადებაში არ არის წარმოდგენილი და დაზუსტებას საჭიროებს სამეურნეო დანიშნულებით წყალაღებისა და სამეურნეო-ფეკალური ჩამდინარე წყლების წარმოქმნისა და შემდგომი მართვის საკითხი;
- დოკუმენტის თანახმად, ქვიშა-ხრემის საწარმოს წარმადობა შეადგენს წელიწადში 50 000 მ<sup>3</sup> (40 000 ტ), რაც ერთმანეთის შეუსაბამოა. შესაბამისად, დაზუსტებას საჭიროებს საწარმოში გადასამუშავებელი ქვიშა-ხრემის წლიური მოცულობა;
- სკრინინგის განცხადებაში მოცემული უნდა იყოს სამსხვრევ-დამახარისხებელი დანადგარის შემადგენელი ობიექტების ჩამონათვალი, გენგემაზე დატანით, შესაბამისი GPS კოორდინატების მითითებით;
- დოკუმენტში წარმოდგენილი უნდა იქნეს ინფორმაცია საწარმოში გათვალისწინებული ტექნოლოგიური პროცესის სრული ციკლის შესახებ (ნედლეულის შეტანიდან საბოლოო პროდუქტის მიღებამდე);
- დოკუმენტში განხილული არ არის საპროექტო ტერიტორიაზე წარმოქმნილი სანიაღვრე წყლების შემდგომი მართვის საკითხი;
- წარმოდგენილ დოკუმენტაციაში აღნიშნულია, რომ „საქმიანობის ან/და დაგეგმილ საქმიანობასთან კუმულაციური ზემოქმედება არ ხდება“. ამასთან, მონაცემთა ელექტრონული გადამოწმებით დგინდება, რომ ობიექტს აღმოსავლეთით ემიჯნება შპს „არალის“ საკუთრებაში არსებული სამსხვრევ-დამახარისხებელი საწარმო (ს/კ: 62.06.59.172). შესაბამისად, სკრინინგის განცხადება უნდა მოიცავდეს ინფორმაციას მოსალოდნელი კუმულაციური ზემოქმედების შესახებ, კერძოდ, საწარმოების ერთობლივი ფუნქციონირების პროცესში გაფრქვეულ მავნე ნივთიერებათა რაოდენობრივი და ხარისხობრივი მაჩვენებლების ანალიზს უახლოეს სახლამდე არსებული დაშორების გათვალისწინებით, ასევე, სატრანსპორტო ნაკადებზე ზემოქმედებასა და ინფორმაციას ხმაურის დონეების გაანგარიშებისა და უახლოეს საცხოვრებელ სახლთან მიღებული ხმაურის კოეფიციენტისა და „საცხოვრებელი სახლებისა და საზოგადოებრივი/საჯარო დაწესებულებების შენობების სათავსებში და ტერიტორიებზე აკუსტიკური ხმაურის ნორმების შესახებ“ საქართველოს მთავრობის 2017 წლის 15 აგვისტოს №398 დადგენილებასთან თავსებადობის შესახებ.

ზემოაღნიშნულიდან გამომდინარე, სააგენტო კანონმდებლობის შესაბამისად სკრინინგის გადაწყვეტილების გაცემის მიზნით ადმინისტრაციულ წარმოებას დაიწყებს მითითებული შენიშვნების გათვალისწინებით შესწორებული სკრინინგის განცხადების წარმოდგენის შემდეგ.

თეიმურაზ მთივლიშვილი

სააგენტოს უფროსის დროებით ფუნქციების შემსრულებელი

სსიპ გარემოს ეროვნული სააგენტო

